

كلمة البروفسور سليم دكاش اليسوعي، رئيس جامعة القديس يوسف، في افتتاح درج
اليسوعيّة، يوم الاثنين الواقع فيه 18 أيار (مايو) 2015، في حرم الابتكار والرياضة.

كلمتي هي كلمة شكر وكلمة تهنئة وكلمة وعد...

هي كلمة شكر، إذا كنّا اليوم وبالأيام المقبلة ونحن على أبواب نهابة العام الجامعي نحتفل معاً
بفعاليّات درج اليسوعيّة، هون بيروت، وكمان بمراكز جامعة القديس يوسف بالشمال وزحلة
وبصيدا، هيدا لأتو في شباب وصبايا من طلاب الجامعة اليسوعيّة كرسوا الوقت والفكر
والقلب حتّى يحضروا هامهرجان اللي صار تقليد بحياتنا الأكاديميّة والاجتماعيّة والثقافيّة
بجامعتنا. من كلّ القلب منشكر كلّ المسؤولين بحرم الابتكار والرياضة ودائرة الحياة الطلّابيّة
يلّي صار إلون من أسابيع لا بل من كم شهر عمّ يحضروا حتّى نعيش هالإيام الحلوي مع
بعضنا البعض. منقول شكراً لغلوريا ورّبي وإدمون وسيما وسام ومايا وجوّ وكلّ المتطوّعين،
منقول بصوت عالي شكراً لكلّ الشباب والصبايا اللي عطيووا من قلبن حتّى نعيش الفرح
والوحدة والإلّفي مع بعضنا البعض، وحتّى نفرح. نعم بدنا نفرح مع بعضنا البعض وما من
خاف نفرح، منقول لكلّ المتزمتين والإرهابيين لكلّ اللي عمّ يزرعوا الحقد والقتل والبغض، ما
رح فيكن تنزعوا من قلبنا روح الفرح والبسمة، هيدا هوي لبنان، لبنان العلم والعيلي والشبيبة
والإيمان والثقة ببعضنا البعض، لبنان الفرح. منعرف كيف نفرح وكمان منعرف كيف نحبي
شهادتنا وخاصة شهداء الجيش اللبناني وجنود قوى الأمن اللبناني اللي بيحموا لبنان، لبنان
العيش المشترك والمحبة، لبنان العلم والثقافة والحرية !

هي كلمة تهنئة لكلّ أصحاب المبادرات والمواهب الخلاقة من طلابنا ومن تلامذة مدارس
لبنان، كلمة تهنئة لكلّ المشاركين بمختلف النشاطات الاجتماعية والفنيّة والثقافيّة، بكلّ

المسابقات وبكلّ المباريات، بهنيّ الجميع لأنّو مجرد المشاركة هوي مشاركة بنجاح درج اليسوعيّة، ونجاح كلّ واحد منكم. بالفيلم الإعلاني عن الدرج شفنا إنّو في درج سهل ودرج صعب ويمكن درج اليسوعيّة هوي من الأدرج الصعبة. لكن اللي بيشتغل بجديّة وبتضحية واللي مقتنع إنّو العلم هو الطريق نحو بناء الذات والنجاح، هالشخص بيلاقي درج الجامعة اليسوعيّة درج سهل ويوصل للأعلى ودائماً للأعلى ويكون راسنا دائماً مرفوع فيكم لأنّو إنّو واللي سبقوكم من 140 سني إنّو بالحقّ سُفرا الجامعة سُفرا لبنان اللي منفتخر فين سُفرا الوطنيّ بالأخلاق والعلم والعطاء.

أخيراً كلمة وعد، وعدنا إلكم إنّو نعزّز الحياة الطلّابيّة بجامعتنا لأنّو الجامعة اللي صوت الطلّاب ما يكون فيها عالي وما يكون فيها مسموع، هيدي جامعة ناقصها الحيويّة والعزيمة، وإرادة الانتصار على الذات. بدنا يكون تكونوا مشاركين بحياة الجامعة وتنظموا أموركن من خلال هيئاتكم الطلّابيّة، لكن بدّي ياكّن توعدوننا إنّو تكونوا مسؤولين عن صوت الطلّاب وعن الجامعة وتبعدوا عنكم كلّ نقيصة وكلّ كلمة او حركة بتسبّب الأذيّة والتفرقة والصراعات بيناتكم. بدنا ياكّن تكونوا بالحقيقة صوت الجامعة اللي بتجمع وما بتفرّق، الجامعة اللي بتبني وما بتهدم، الجامعة اللي بتزرع العلم وثقافة المواطنيّة وبتردّ جدران الجهل إلى الوراء، حتّى نكون كلنا لوطنًا ولرسالتنا، رسالة الإبداع، رسالة الدرج، درج التضحية والعطاء مثل ما اليسوعيّين عطيوا لبنان خلال مئات السنين ومثل ما الجامعة عطيت لبنان ورافقتوا من بدايتوا حتّى صار كبير وقلب واسع ورحّ يضلّ لبنان كبير وقلبو واسع لأنّو شباب متلكن ما بيقدرو إلاّ إنّو بينوا لبنان الحبّ والأمل والرجاء والعلم، لبنان اللي هون بال 10452 كم مرّبع ولبنان الانتشار على مساحة هالكون الكبير.

